

欽定大清會典事例

欽定大清會典事例卷四百十三

禮部

軍禮

命將出征凱旋

命將出征凱旋。○凡大軍凱旋。次於近郊。皇帝行郊勞禮。是日鑿儀衛設

法駕鹵簿自

行宮至郊勞處。王以下二品大臣以上。先至郊勞處恭俟。三品以下官於

行宮前會集。皆蟒袍補服。武備院設黃幄

御座於郊勞處正中。南嚮。禮部工部於兩翼設青幄

各八。東西嚮。直隸有司築臺於黃幄正南。兵部設凱旋轟於臺上之南。武備院設

皇帝拜褥於臺上正中。樂部設鏡歌樂於臺左右。凱歌樂於

御道左右。兵部列鳴螺軍士於臺左右。按旗排立。工部設椽薦。立下馬紅柱東西各一。屆時禮部堂官奏請

皇帝龍袍衮服乘騎出行宮。三品以下官跪送至郊。勞處軍士鳴螺。鏡歌大樂作。鴻臚寺官引大將軍及從征各官兵丁具戎服於紅柱外跪恭請

聖安。王公大臣皆跪候過隨行。

皇帝於鋪板薦處降騎。禮部堂官恭導至臺上拜位立。鴻臚寺官引大將軍從征各官於西班。王公大臣於東班奏跪。

皇帝跪。王公大將軍等皆跪。奏拜興。
皇帝拜。

天行三跪九拜禮。王公大將軍等皆隨行禮畢。禮部堂官恭導。

皇帝至臺下乘輿。至黃幄前降輿入幄。

升座。鴻臚寺官引王公大臣於東班青幄下立。引大

將軍從征各官兵丁於甬道東西排班嚮北立
贊跪叩興。大將軍率衆行三跪九叩禮。候

旨行抱見禮畢。於西班牙青幄下立。次引投誠人等排
班聽贊。行三跪九叩禮畢。

賜坐。大將軍從征各官及投誠人等於西班牙青幄下
坐。有功兵丁坐於其後。王公大臣於東班青幄
下坐。各行一跪一叩禮。

賜茶。各於坐次跪行一叩禮。禮部堂官奏禮成。

皇帝出黃幄乘騎。鏡歌鳴螺止。馬上凱歌樂作。在鹵
簿前隨行。內班凱歌樂隨。

皇帝左右行。王公大將軍等隨行。

皇帝至行宮降騎。三品以下官跪迎。凱歌樂止。皆退。

禮案乾隆四十一年四月。

聖駕巡幸山左。

平定金川。

回鑾行郊勞禮。

奉

行宮御龍袍。

上諭。

朕於本月二十七日。

由黃新莊

由薄導至郊勞臺。其大駕由薄導。即於郊勞處排

設。所有隨從郊勞之王公大臣。俱穿蟒袍補褂。

禮成後。仍乘十六人金漆涼轎。騎駕由薄及鏡

歌樂導至行宮。用膳。更行衣。隨從大臣官員及

凱旋之將軍大臣官員等。亦俱更換行衣。隨從。

朕由行宮乘八人轎。至趙興店頭。分尖營換車。

所有二分尖營。若移設於廣甯門關廂外。其騎

駕由薄。即先赴彼處豫備。朕至二分尖營後。仍

乘八人轎。用騎駕由薄導。引進宮。大駕由薄。宮

內母庸再設。再禮部奏請在京王大員官員等

於二十六日至初一日。此五日穿蟒袍補褂。朕

於二十七日進宮。所有隨駕之大員官員等。著

於二十八日至初
一日穿蟒袍補褂若

命廷臣以茶酒出郭迎勞大將軍率從征將士望

闕謝

恩行三跪九叩禮畢還

朝從征軍士以次歸營伍○凡大將軍謝

恩行禮是日鹵簿樂懸陳設王公百官陪位均如頒
敕印儀鴻臚寺設黃案於

太和殿丹陛上正中屆時

皇帝御殿中和韶樂作奏隆平之章

升座樂止大將軍出征從征內閣官二員奉

敕印升丹陛大將軍詣案前跪以次納

敕印於案退就班位丹陛樂作奏慶平之章大將軍
率從征各官謝

恩聽贊行三跪九叩禮畢投誠人等以次行禮樂止
皇帝起座中和韶樂作奏顯平之章還宮樂止衆皆
退○天命八年征扎魯特師還

太祖高皇帝聖駕勞凱旋軍出城四十里遇於古城堡
高岡樹旗八鳴角拜

天畢

御帳殿從征台吉大臣朝見設燕饗之○十年征喀爾

喀軍還

駕出城迎之。會於穆瑚覺羅地方。封牛八祭毒彝畢。

命行抱見禮。還至瀋陽城。大燕勞之。○又征克卦勒察

軍還

駕出城燕勞之。○十一年十月征巴林軍凱旋

太宗文皇帝率諸貝勒大臣出城十五里勞之。

命行抱見禮。封牛八祭毒彝告

天。○又征扎魯特軍還。

太宗文皇帝率貝勒大臣出迎。次鐵嶺。范河界凱旋軍

俱集。立八毒彝拜。

天畢。

御黃幄。凱旋諸貝勒大臣跪見。

太宗文皇帝不欲受大貝勒代善二貝勒阿敏跪拜。

躬率三貝勒莽古爾泰等答禮。代善阿敏率諸貝勒大

臣以次入。跪行抱見禮畢。行飲至禮。以所俘獲

頒賚將士有差。○天聰二年。征錦州軍凱旋。

太宗文皇帝遣官往迎。

賜諸貝勒馬。

駕出城五里。

御行幄。凱旋諸貝勒大臣各至。

上前以次跪行抱見禮。俘獲諸物分

賜將士有差。○又征阿拉克綽特軍凱旋。

太宗文皇帝率諸貝勒出迎。出征貝勒等隨

上拜

天。乃朝見祭燾。論功以所俘獲分

賜將士。○七年。征明旅順口軍凱旋。

駕至渾河岸。立八燾拜

天。○又征明山海關師還。

太宗文皇帝迎於郊外三里許。樹燾拜

天。

升座。凱旋。貝勒大臣等朝見如禮。○九年。征明甯遠錦

州軍還

太宗文皇帝率大貝勒代善等出

盛京懷遠門迎於五里外。

御黃幄。貝勒多鐸遵

命行抱見禮。

賜多鐸良馬五匹。甲五副。以所俘獲賞從征將士有差。

○又貝勒多爾袞等收服察哈爾部衆。獲歷代

傳國璽。征山西凱旋。

太宗文皇帝親率大貝勒代善等謁

堂子拜

天。西行出上榆林邊。

駐蹕養息牧河岸。貝勒多爾袞等營於

御營之右二里許。

太宗文皇帝出御營迎諸貝勒。諸貝勒率歸降察哈爾
汗子額爾克札果爾額哲及其大臣等馳馬來

謁。

太宗文皇帝率衆稍前。至

御營南岡所築壇上。設黃案拜

天畢。還

御座凱旋諸貝勒奉所得玉璽置於案上。令大臣舉案前進。諸貝勒率衆遙跪以獻。

御幄前設黃案。

太宗文皇帝受玉璽親奉之。率衆復拜。

天禮畢復位。貝勒多爾袞進前跪拜。行抱見禮。貝勒岳託薩哈璘以次如前行禮畢。額爾克札果爾額哲率其國諸大臣遙跪。稍前拜一次。復近前跪拜。行抱見禮。以凱旋諸貝勒所獻駝馬分

賜八貝勒。及行間效力大臣有差。○崇德元年。和碩睿親王多爾袞豫親王多鐸貝勒貝子等。征明大

兵凱旋。

太宗文皇帝率王貝勒貝子公等。及文武各官出城十里外迎勞。其出征王貝勒貝子公大臣等至。以次排列。設八轟吹螺作樂。

太宗文皇帝率衆拜

天。行三跪九拜禮畢。

御黃幄升座。出征王貝勒等跪進獻捷表文。大學士接表奉至。

御前跪讀。鳴贊官贊行三跪九叩禮。

諭出征王貝勒大臣等近前行禮。王等以次趨至。

御前一跪三叩畢。

賜座。王貝勒近。

御座右坐。貝子公大臣等。及有功將士。皆序次在右坐。

大設燕。

親賜出征王及貝勒貝子公大臣等酒。燕畢謝。

恩。及至京。

躬率凱旋王貝勒貝子公大臣等謁。

堂子。行三跪九拜禮成。

聖駕還宮。衆皆退。○八年。征松花江之呼爾哈部。師還。

命禮部官迎燕入城敘功。

賜緞布各有差。○又征明大軍凱旋還至

盛京。

命鄭親王濟爾哈朗、睿親王多爾袞、武英郡王阿濟格、
郊迎三十里。

太宗文皇帝設鹵簿，率親王以下各官詣

堂子行禮還

御篤恭殿，凱旋各官朝見。

賜茶。

賜凱旋貝勒各大臣以下銀幣各有差。○順治二年，以

南京平定。

世祖章皇帝御殿攝政和碩睿親王多爾袞率王公大臣百官上表行慶賀禮。是日遣官祇告

天

地

太廟

社稷。又定國大將軍和碩豫親王多鐸自江南班師還京。

世祖章皇帝出正陽門於南苑北迎勞陳設大轟十。作樂率諸王貝勒文武百官拜

天。行三跪九拜禮畢。

御黃幄。諸王列侍左右。大將軍和碩豫親王及出師王
貝勒各官朝見。行三跪九叩禮。和碩豫親王起
近

御前跪。行抱見禮。

賜茶畢。還宮。

頒賞有差。○十三年題准。王貝勒貝子公大臣等凱旋。
遣王貝勒貝子公等一人。仍量遣大臣隨同出
城迎勞。禮部備茶酒同往。到京次日。在京王以
下各官咸朝服會集。凱旋將軍等各具盛服候
御殿。鳴贊官贊行三跪九叩禮。復以次謁。

御前行禮畢。

賜燕。凡兵丁曾在陣前先登效力者，均令與燕於各該管官後序坐。○康熙元年議准，凡大兵凱旋次日。

御殿將軍等行禮畢，免進前行禮。筵燕免卓席止宰牲。○十四年，撫遠大將軍多羅信郡王鄂札等征滅察哈爾，班師凱旋。

聖祖仁皇帝率王公大臣迎勞於南苑之大紅門。至京聖祖仁皇帝率王公大臣及凱旋王大臣等詣堂子行禮還宮。○十九年三月。

聖祖仁皇帝以定遠平寇大將軍和碩安親王岳樂自湖廣凱旋。率在京諸王公滿漢大臣出郊迎勞。是日。

駐蹕盧溝橋。次日。率諸王大臣等迎凱旋大軍於二十里外。大軍既至。

聖駕率出迎。諸王大臣及凱旋王大臣官員等拜天畢。

御黃幄。大將軍和碩安親王率凱旋將帥行禮。次投誠將軍杜興珠行禮。

詔王近前。

親起抱見命近

御座左側坐諸大臣依次列坐其行間效力軍士亦依次列坐

賜茶畢還宮○九月大將軍和碩康親王傑書自福建

凱旋

聖祖仁皇帝出郊迎勞儀與前三月同二十一年
聖祖仁皇帝以雲南報捷詣

太皇太后

皇太后宮奏聞行禮王以下文武各官集

乾清門行慶賀禮

聖祖仁皇帝詣

孝陵躬行昭告。○又以滇逆蕩平。遣官祇告

天

地

太廟

社稷。○二十一年。定遠平寇大將軍貝子章泰征南將

軍都統穆占等自雲南凱旋

聖祖仁皇帝親至盧溝橋迎勞。是日

大駕鹵簿全設。王等常服於常朝處會集。滿洲大

學士都統尚書子。副都統侍郎男等官常服於

長安右門內會集文武各官朝服於

午門外會集禮部堂官奏

聞鳴鐘作樂王以下文武各官咸於各會集處跪候
駕過王以下侍郎男以上隨行

聖駕由長安右門出宣武門漢大學士尚書侍郎等官

豫赴

行營咸蟒袍補服跪迎

聖駕至盧溝橋行營駐蹕司設監設黃幄

御座禮部設青幄工部立下馬紅柱兵部設八旗護軍

轟及畫角海螺次日黎明禮部堂官奏請

升輿。王大臣侍衛咸蟒袍補服會集。

行營前隨行。

聖駕至紅柱處。鳴角吹螺。鴻臚寺官引凱旋大將軍各官於紅柱內跪。漢大學士尚書侍郎等官於紅柱外跪候。

駕過。禮部堂官恭導詣轟前立。鴻臚寺官贊排班排畢。禮部堂官跪奏班齊。

聖祖仁皇帝率王以下各官凱旋大將軍以下各官拜天。行三跪九拜禮畢。

御黃幄升座。螺角止。鴻臚寺官引王公百官於各翼幄。

下序立引凱旋大將軍及各官排班鳴贊官贊
行三跪九叩禮畢。

賜坐各行一跪一叩禮大將軍及各官於各翼班首坐
其有功兵丁在各官班後坐。

賜茶畢謝

恩禮部堂官奏禮成

聖駕出黃幄吹螺候

駕過螺止

回鑾樂作

午門外會集各官跪候

聖駕還宮。樂止。衆皆退。○三十五年。撫遠大將軍伯費揚古。大破額魯特。噶爾丹於昭莫多之地。凱旋後。留駐斥堠。是歲冬。

巡狩至鄂爾多斯。有

旨著大將軍自軍中乘驛前來。將至。

命皇子往迎。

聖駕出黃幔城。大將軍趨進。跪請

聖安。乃召入黃幔城。

賜坐。

賜茶。遂扈從於呼坦和碩之南。

賜大將軍

御佩素韃弓矢復遣還軍。○雍正二年平定青海。

世宗憲皇帝御殿受賀。

御製平定青海碑文勒石太學刻成募捐頒發直省各

府州縣衛學宮昭示萬世。○乾隆十四年平定

金川經略大學士忠勇公傅恆凱旋還京。

命王公大臣迎勞於阜成門外至日。

高宗純皇帝御殿王公文武百官朝服侍班經略率凱
旋諸臣咸朝服至丹陛上謝

恩行三跪九叩禮翼日。

賜經略及出征大臣官員將士燕於瀛臺。
頒賞有差。王大臣等奏請

御殿受賀奉

旨。統於恭上

皇太后徽號時舉行。

御製平定金川碑文。勒石太學。並

允廷臣之請。

命儒臣輯平定金川方略。○又議定凱旋禮。一告成。經
略大將軍奏凱功成。應祭告

天

地

太廟

社稷

陵寢釋奠於

先師孔子勒碑太學並

命儒臣輯平定方略以垂奕禩一勞師經略大將軍
克捷師旋將入城應遣廷臣出郊迎勞

皇帝臨軒經略大將軍還朝率凱旋文武諸臣咸朝
服於丹陛上謝

恩行禮恭繳

敕印如受

敕儀翼日

賜燕。經略大將軍及凱旋大臣官員將士咸與燕。王公滿漢大臣陪燕。禮成。經略大將軍及隨征大臣並官弁等所立功勳。由兵部考覈議敘。爵賞各有差。○二十五年。定邊將軍武毅謀勇公兆惠等平定西域。凱旋回京。

高宗純皇帝駐蹕黃新莊行宮。親行郊勞。是日。

法駕鹵簿全設。在京王公滿漢大學士尚書都統侍郎副都統子男等官。豫至郊勞臺分翼排班。

候隨行禮。滿漢三品以下文武官員咸蟒袍補服於

行宮前會集。設黃幄

御座於郊勞處正中。南嚮。兩翼設青幕各八。東西嚮。築臺於黃幄正南。臺上設將軍等凱旋轟於左右。設

高宗純皇帝拜褥於臺上正中。設下馬紅柱東西各一。樂部設鏡歌樂於臺左右。設凱歌樂於

御道左右。設鳴螺軍士按翼於臺左右。屆時禮部

堂官奏請

高宗純皇帝御龍袍袞服乘輿出行宮。三品以下滿漢文武官員跪送。

駕至郊勞臺。軍士鳴螺。鏡歌樂作。鴻臚寺官引將軍及從征大臣官員兵丁咸甲冑於紅柱外跪。

駕至恭請

聖安。

聖駕於鋪梭薦處降輿。禮部堂官恭導。

高宗純皇帝至臺上拜位立。鴻臚寺官引將軍從征大臣及從征官員在西班引王公滿漢大學士文武大臣在東班咸嚮上立。鴻臚寺官奏跪。

高宗純皇帝跪將軍及王公以下各官咸跪奏叩興。

高宗純皇帝拜

天行三跪九拜禮。將軍及王公以下各官均隨行禮畢。

禮部堂官恭導

高宗純皇帝御黃幄升座。鴻臚寺官引王公滿漢大臣於東班幕下排立。引將軍及從征大臣官員兵丁排班。鳴贊官贊行三跪九叩禮畢。候

旨。將軍大臣行抱見禮。鴻臚寺官引將軍大臣等於西班青幕下立。次引回部人等排班。鳴贊官贊行三跪九叩禮畢。

賜坐。凱旋將軍大臣官員及回部人等在西班青幕下坐。有功兵丁各隨後坐。王公滿漢大臣在東班青幕下坐。各行一跪一叩禮。

賜茶。各於坐次跪行一叩禮。禮部堂官奏禮成。

高宗純皇帝出黃幄乘騎。鏡歌鳴螺咸止。馬上凱歌樂作。奏樂。

皇威之章。在鹵簿前行。凱歌樂隨。

駕左右行。至黃新莊宮門外排立。將軍王公滿漢文武及從征官員咸從。三品以下滿漢文武官員於行宮前跪迎如初儀。

駕還行宮。凱歌樂止。衆皆退。○是年。凱旋將軍率從征諸臣及回部人等謝。

恩鑿儀衛豫陳

法駕鹵簿於

太和殿。陳步輦於

太和門外。陳五輅於

午門外。陳馴象於五輅之南。陳仗馬於丹墀中道之左右。俱東西嚮。樂部和聲署設中和韶樂於太和殿檐下兩旁。設丹陛大樂於

太和門內兩旁。俱北嚮。凱旋將軍及從征諸臣俱

朝服在

午門外會集。王以下文武各官俱朝服於常朝處分翼會集。鴻臚寺官引王貝勒貝子等在丹陛上立。文武各官在丹墀內分翼排立。引凱旋將軍及從征大臣官員在丹墀內東西嚮立。至時禮部堂官奏請

高宗純皇帝御禮服乘輿出宮。

午門鳴鐘鼓。禮部堂官前引

高宗純皇帝御太和殿中和韶樂作。奏遂平之章。升座樂止。鑾儀衛官贊鳴鞭。階下三鳴鞭。鳴贊官贊排

班丹陛大樂作。奏慶平之章。鴻臚寺官引將軍及凱旋大臣官員排班立。鳴贊官贊進贊跪。行三跪九叩禮畢。俱復原班立。樂止。鴻臚寺官又引回部人等排班贊行三跪九叩禮。丹陛大樂作。奏治平之章。禮畢。鳴贊官贊退。鴻臚寺官引至原班立。樂止。鑾儀衛官贊鳴鞭階下三鳴鞭。中和韶樂作。奏允平之章。

聖駕還宮。樂止。衆皆退。越一日。

賜將軍大臣及回部人等燕於豐澤園。○四十一年。蕩

平兩金川。

高宗純皇帝躬謁

東陵

西陵親行昭告。

巡幸山東展謁

岱廟即詣

闕里告成瞻禮。

回鑾後恭上

皇太后徽號。

升殿受賀。

頒詔天下仍遣官祭告。

天

地

太廟

社稷

陵寢釋奠於

先師孔子

御製碑文勒石太學刻成摹搨頒發各直省學宮並
命儒臣纂輯平定兩金川方略○又定西將軍誠謀英
勇公阿桂等凱旋回京

高宗純皇帝駐蹕黃新莊行宮親行郊勞禮儀節與二

十五年同並

賜將軍大臣等燕於

紫光閣。○道光八年平定回疆凱旋奉

諭揚威將軍大學士公長齡凱旋到京著照禮部所擬遣廷臣於盧溝橋地方舉行迎勞典禮所有應行事宜著各該衙門照例豫備其揚威將軍印信著在勤政殿恭繳至賜燕典禮著於正大光明殿舉行屆時再行示期。○又

諭揚威將軍大學士公長齡凱旋入覲屆期著派鄭親王烏爾恭阿松筠格布舍哈朗阿奕經前往良鄉迎

勞○又

諭揚威將軍大學士公長齡到京繳甲。著穿行衣行禮。
內閣學士桂輪著穿補褂奉印。○九年以平定回疆。
勦擒逆裔。

御製碑文勒石太學。○咸豐五年山東省高唐州平定。
髮逆凱旋。

文宗顯皇帝御養心殿參贊大臣科爾沁博多勒噶台。
親王僧格林沁至。

御座前行抱見禮。

親加慰問。賞朝珠一盤。四圍龍補褂一件。恭繳參贊大。

臣關防。並訥庫尼素光刀。

欽定大清會典事例卷四百十四

禮部

軍禮 受降 獻俘 受俘

受降。凡軍前受降。露布入告。得

旨。迺許成。築壇於營左南嚮。壇南百步建大旗。降人
匍伏前。大將軍登壇納款。宣

上德意。迺班師。○天聰五年。祖大壽率大凌河城內
官員兵民等歸降。

太宗文皇帝命諸貝勒迎之一里外。

太宗文皇帝出幄。

命行抱見禮入幄。

命坐於左。設饌以金卮酌酒。

親賜之。飲畢。

賜以

御用黑狐帽貂裘及金飾鞞帶緞靴雕鞞白馬等物。

七年。孔有德耿仲明率部下自皮島航海來歸。

太宗文皇帝賞馬二千餘匹。陸續接應。並備設供帳。

命暫駐

東京休息。從容來見。毋致勞頓。既至。豫設

御座黃幄於渾河岸。

太宗文皇帝升御座。孔有德、耿仲明率各官以次序立。二人行朝見禮畢，復近。

御座前叩頭抱膝。見次各官行三跪九叩禮。乃大燕。以金戶酌酒。

親賜之。燕畢各

賜蟒袍、貂裘、鞞馬、弓矢等物。封孔有德為都元帥，耿仲明為總兵官。崇德元年，大封諸王。時封孔有德為恭順王，耿仲明為懷順王。○崇德二年。

太宗文皇帝命致書切責朝鮮國王，並齋。

敕文往諭。朝鮮國王伏罪請降。於是禮臣擇漢江東岸。

築壇設

御座黃幄

聖駕出御營奏樂渡江登壇設鹵簿如常儀朝鮮國王率文武羣臣步行來朝遣官一人迎於一里外引至儀仗下

太宗文皇帝率朝鮮國王及羣臣對

天行三跪九拜禮

升御座該國王率羣臣伏地請罪贊禮官贊排班贊進贊跪三跪九叩畢

命該國王坐於左翼和碩親王之上朝鮮國王長子坐

於左翼貝勒之下。次子三子坐於右翼貝勒之下。乃

賜燕。盡還其俘。

賜該國王王妃及三子大臣貂裘等物。率衆謝恩畢。

聖駕還御營。○六年。蒙古貝勒諾木齊等歸降。

太宗文皇帝親率諸王貝勒及文武各官出懷遠門。至演武亭。

太宗文皇帝率衆拜

天行禮畢。

升御座。諾木齊武巴什等率部衆朝見。令諾木齊武巴什等較射。又令大臣侍衛等較射。選力士角觝。

賜大燕燕之。諾木齊等進獻雕鞞馬匹。琥珀念珠金銀器皿蟒衣等物。俱卻之。燕畢。仍自懷遠門入還宮。

賜頂戴朝衣鞞馬弓矢甲冑綵緞布疋銀兩莊田牲畜等物有差。康熙三十五年。

聖祖仁皇帝駐蹕於諾撫遠大將軍費揚古奏報勦滅噶爾丹於昭莫多之地。遂

命安插額魯特降人於邊外有

旨令駐紮歸化城安郡王等往阿爾亥西喇穆倫邊卡於大兵進卡之前暫行駐紮如有額魯特潰散逃竄來投降者令其收受○又

命歸化城留大臣一人受額魯特降人完其夫婦給其衣食如有額魯特降人分上人下人各給以白金皮衣有差○是年額魯特降人丹巴哈什哈等一百六十口及大將軍軍營送到伊家人一百六十一口均令於張家口外居住其所需衣服衾褥著於張家口司官處支領噶爾丹降人

慈都等二百四十三口。一同暫居張家口外。應給口糧。仍以張家口倉中所存米計口頒發。又安郡王解到降人額魯特綽克圖巴圖爾唐古特宰桑等所屬弓箭手一百十有八人。喇嘛四人。婦女童穉五十四人。奉

旨著給綽克圖巴圖爾唐古特宰桑茶飯衣服。帶赴安郡王所。令酌配以蒙古兵。使收服額魯特之離散者。其額魯特降人家口。著善為防護。還至張家口外。與丹巴喀什哈等一同安插。沿途給伊等行糧。駐紮後照常給以口糧。三十六年。滅噶爾丹。阿喇布坦等

率部衆歸降。

諭以德意。並加獎賞。○乾隆十四年。經略大學士忠勇公傅恆平定金川。番首莎羅奔等乞命投誠。泥首請罪。經略奉

詔受降。遣命番衆於軍門外。除道設壇。鋪陳供帳。至時。經略升帳。出征大臣等同至營門。莎羅奔等率衆喇嘛及頭人。番衆跪迎。皆服鮮衣。舉香作樂。至經略帳下俯伏。經略責以抗拒之罪。示以

朝廷如天好生之恩。皆泥首伏罪。畏威懷德。經略遂大書露布。馳告。

京師。○又議定受降之儀。凡克捷受降。軍營應飛
章入告。得

旨允降。乃大書露布。傳示中外。築受降壇於大營之
左。壇方南嚮。壇以南百步許。樹大旗。書奉

詔納降字。降者至。兵部官率引立旗下。經略大將軍
出營。鼓吹聲礮。參贊大臣及各官皆隨行。兵部
官令降者於受降旗旁北嚮跪。匍伏。候經略大
將軍登壇。鼓吹聲礮。參贊大臣及一品大臣分
翼僉坐。隊伍將領等官分兩旁肅立。其餘官校
兵丁分班排列。兵部官引降者抵壇前。匍伏。經

略大將軍宣諭

德意訖酌加賞賚軍門鼓吹降者泥首叩謝而退○
二十年二月準噶爾平。

詔遣侍衛順德訥等前往諭哈薩克汗阿布賚歸誠九
月以其使博洛布拜等歸伊犁表上。

詔嘉其恭順遣齋

敕書

賜蟒服○二十三年將軍兆惠等追捕逆賊哈薩克沙
喇兵臨布魯特界獲其頭目圖魯齊鄂庫遣侍
衛烏爾金托倫泰往撫抵其游牧珠穆翰地恭

奉

諭旨宣讀畢。薩雅克薩拉巴噶什兩鄂拓克人衆俱以手加額。環嚮叩首。歡聲振地。時塔拉斯頭目邁他克子額什博羅適在其地。亦願率所部來降。托倫泰與俱往。行六日至其地。撫定霍索楚啟台兩鄂拓克人衆。獻牛羊百頭。謁軍門。兆惠等與之筵燕。令觀軍營武藝。咸駭歎不置。同時邁他克遣弟舒庫爾喀喇博托。遣姪哈畢齊來營投誠。七月。參贊大臣富德復遣侍衛伊達木札布至薩婁。鄂拓克阿克拜聞。

恩旨招撫。亦深感悅。偕其姪車里黑葉里黑所轄共五千戶。及愛達爾伯克分領之百餘戶來歸。於是東布魯特全部皆內附。尋遣使臣朝

京師。

詔扈木蘭行圍。

賜燕萬樹園觀鐙火。自是遵奉正朔。每來朝貢焉。是年。參贊大臣富德追擒哈薩克沙喇。至塔什干地。遣蒙古勒岱赫善等往諭哈薩克降。復憫塔什干之受兵於哈薩克也。因諭哈薩克圖里拜等。以睦鄰守土之義。於是默勒多薩木什圖爾

占等獲安耕牧。遣其屬默尼雅斯奉表降。

詔受之。○二十四年。將軍兆惠既定山南回部。追捕餘孽。道經額德格納地。遮道籲請內附。乃遣二等侍衛達克塔納等往撫。阿濟畢奉將軍書曰。額德格納布魯特部小臣阿濟畢。恭祝

大皇帝萬壽萬壽。恭呈

大皇帝欽命將軍之前。今將軍自喀什噶爾傳諭我部。發給印文。謹已奉到。不勝踴躍。適慰心想。當率諸部自布哈爾迤東二十萬人衆。皆作臣僕。兆惠表上。

詔受之。十五部落皆內附。諸頭目以未出痘。不敢入中
國。乃遣由瑪特之兄呼達里朝。

京師。

詔與觀大閱。

賜燕觀燈火。○是年。將軍兆惠追捕霍集占。遣侍衛達
克塔納等。撫定布魯特諸部。至安集延地。額爾
德尼伯克遣都官伯克迎至城內。日饋羊瓜果
酒米及氈毼馬匹諸物。備極誠敬。使旋遣頭目
托克托瑪哈默特等謁軍門。上額爾德尼所奉
表。並上將軍書曰。聞將軍至。葉爾羌喀什噶爾。

後布魯特哈薩克等衆部落俱傳檄安定而我部檄書未至。日夜以冀。幸侍衛齋將軍書來。我等得為

大皇帝臣僕。永受康甯。不勝感悅。於是安集延等四城咸內附。遣托克托瑪哈默特等朝

京師。貢馬。

賜燕瀛臺。又回部逆酋波羅尼都霍集占奔巴達克山。副將軍富德率師追之。遣諭其汗素爾坦沙。宣示波羅尼都等逆狀。令擒獻。是時二賊方竄入巴達克山之錫克南村。詭稱假道往墨克及

逸去。肆掠村落。素爾坦沙因縛波羅尼都。而以兵圍霍集占於阿爾渾楚哈嶺。賊退保齊那爾河。素爾坦沙以其屬進戰。賊不能支。擒之。囚於柴扎布。素爾坦沙乃遣人謁軍門投款。副將軍富德遣使者往諭。責令獻俘。是時溫都斯坦方以兵臨巴達克山。謀劫霍集占兄弟。而塔爾巴斯者。巴達克山隣國也。賊將通之。攻巴達克山。所遣使被獲。乃取所擒縛之波羅尼都與霍集占。置諸密室殺之。初素爾坦沙以二逆酋與己同出噶木巴爾裔。欲縛獻。恐諸部不從。難之。富

德反覆曉以順逆利害之故。遂大覺悟。乃刃二酋出逆屍馳獻。率其部落十萬戶。與博羅爾部三萬戶俱降。遣陪臣額穆爾伯克等朝。

京師貢刀斧及八駿馬。○是年大兵逐霍集占。將入愛烏罕境。為巴達克山酋素爾坦沙擒獻。其屬下有奔愛烏罕者。具以情告。愛哈默特沙以霍集占之見殺。將問罪於巴達克山。先遣使往素爾坦沙懼。以

御賜鎧二蓋及文綺往遺。並言霍集占負

大皇帝恩。內地兵力甚盛。設不擒獲。則巴達為墟。愛哈

默特沙因偕至投誠遣使臣密爾漢來朝。○三十四年。經略大學士公傅恆等奏大兵攻圍老官屯。緬匪惜駿遣人致蒲葉書懇求罷兵。情願繕具表文。十年進貢一次。茲差頭目二人呈送洋錦洋呢洋布等物。率夷衆一百八十餘人負荷陳設營門。再四懇求。即飭令接受。並諭以表文規制。察其情狀。似無欺飾。奏至。

上許之。○五十七年

諭前因廓爾喀自作不靖。是以加之天討。今既畏懼悔罪。疊次遞稟乞降。情詞尚為恭順。朕仰體

上天好生之德。廓爾喀民人。猶吾民人也。不忍多事。誅夷。况福康安等。此次帶兵進攻。每戰必克。賊匪望風。膽落。故以畏服之詞。為歸誠之請。較之前次安南受降納款。更足以尊國體。而示軍威。著福康安等。即傳朕旨。赦其前罪。准令納表進貢。悔罪投誠。欽此。遵

旨於帕朗古軍營受降。宣布

德意。俱如儀。

獻俘。○凡獻俘之禮。是日早。宗室官入

廟恭請

中殿

列聖

列后神位奉安於

前殿陪祀執事各官詣

廟祇俟均朝服兵部司官朝服率解俘將校以白組繫

俘頸由

長安右門至

天安右門入俟於

太廟街門外屆時承祭官朝服至俘跪伏承祭官入

廟就位陪祀執事各官咸就位立祇告獻俘行三獻禮

陪祀官皆隨行禮是日並遣官告祭

後殿。凡陳設行禮如時饗儀。禮畢。兵部司官以俘俟於社稷街門外。承祭官朝服至。俘跪伏。承祭官詣

壇行禮。陪祀官皆隨行禮。凡陳設行禮如春秋祈報儀。

禮畢。兵部司官以俘由所入門出。皆退。

由祠祭司承辦。

○雍正二年。

命將討平青海。解送俘囚至。

京師。欽天監擇日獻俘於

太廟。

社稷。至期。兵部率解俘官員兵丁。押所解之俘白組繫

頸。由

長安右門

天安門右門進至

太廟街門外。嚮北立。候承祭官至。倅嚮北跪。承祭官入太廟。陪祀文武各官分東西班豫集。承祭官就行禮位。行禮如時饗儀。陪祀官隨行禮。禮成。兵部率解倅官員兵丁押倅至。

社稷街門外。嚮北立。候承祭官至。倅嚮北跪。承祭官入社稷壇。陪祀文武官員分東西班豫集。承祭官就行禮位。行禮如春秋祈報儀。陪祀官隨行禮。禮成。承祭官陪祀官以次出。兵部率解倅官員兵丁。押

俘仍由

天安門右門

長安右門出。百官各退。○乾隆十四年議准。凡出師克捷。照雍正二年平定青海之禮。以俘獻於

廟

社如儀。○四十一年。平定兩金川獻俘儀。與雍正二年同。○道光八年。重定回疆獻俘儀。與乾隆四十年同。

受俘。○凡獻俘之次日。行受俘禮。是日早。工部官設

御座於

午門樓正中。武備院官張黃蓋於樓檐下。鑾儀衛
官陳

法駕鹵簿。樂部和聲署陳樂懸。丹陛鹵簿。左當

闕左門之北。右當

闕右門之北。靜鞭仗馬在其次。丹墀鹵簿。於

闕左右門之南。金鼓鏡歌在鹵簿之前。丹陛大樂
在鹵簿之末。設輦輅於

天安門外金水橋南。設馴象於輦輅之南。均夾甬
道。分列如儀。內大臣率侍衛咸蟒袍補服。立兩

觀翼樓階上。護軍統領率護軍立階下。均佩刀環衛。

起居注官立前楹之西東面。承

旨大臣二員。鴻臚寺鳴贊官二員。立於階下東西面。鑾儀衛傳鳴鞭官。立西鳴贊官之次東面。侍儀內閣大學士學士翰林院學士都察院左都御史左副都御史。立丹陛鹵簿之北。東西面。糾儀御史四員。禮部司官四員。鴻臚寺官四員。立丹陛鹵簿之南。又御史四員。禮部司官四員。鴻臚寺官四員。立丹墀鹵簿之南。王以下公以上於

丹陛鹵簿之南。均東西面。王以下公以上於丹
陛鹵簿之後。文武百官於丹墀鹵簿之後。重行
異等。朝服按翼序立。兵部刑部尚書侍郎立西
丹墀鹵簿之後。兵部司官率解俘將校。以俘由
長安右門至。

天安右門入。立於右翼金鼓之後。刑部司官立兵
部官之次。屆時。禮部堂官詣

乾清門導

駕。

皇帝龍袍袞服乘輿出宮。前引後扈如常儀。

午門鳴鐘。至。

太和門鳴金鼓。奏鏡歌。禮部堂官恭導。

皇帝由東磴道登。

午門樓。至檐前降輿。

御黃帳前引大臣十員立樓檐外階上。東西面。後扈。

內大臣二員在。

御座旁左右僉立。豹尾班侍衛。佩刀侍衛。在。

御座後左右翼立。

皇帝升座。樂止。鑾儀衛官傳鳴鞭。校尉三鳴鞭。鳴贊。贊進侍。丹陛大樂作。奏慶平之章。鴻臚寺官引。

解俘將校自丹墀鹵簿之南進至

御道西北面立贊進少進贊跪叩興將校行三跪
九叩禮樂止贊退引將校退復位贊受俘兵部
司官率將校以俘至右翼金鼓之下北面跪匍
伏兵部尚書趨至

午門前

御道西跪奏平定某地所獲俘囚謹獻

闕下興少退東面立刑部尚書趨至兵部尚書之
右承

旨大臣傳

制鴻臚寺官接宣曰。所獻俘交刑部。刑部尚書趨進。

北面跪領

旨興。偕兵部尚書退。復位。兵部司官以俘交刑部司

官械繫出。

如赦不誅。宣縛。俘叩首畢。將校

制釋引出。

鳴贊贊齊班。

丹陛大樂作。王公於丹陛鹵簿內甬道東西。文武百官於丹墀鹵簿內甬道東西。各就拜位。聽贊行三跪九叩禮。樂止。鳴鞭如初。

皇帝起座。鳴金鼓。奏鏡歌。

皇帝乘輿還宮。王公百官皆退。是日。

賜解俘弁兵銀幣有差。○康熙三十六年。征準噶爾。

出師大捷。哈密擒噶爾丹之子色布騰巴爾珠爾。獻俘於

駐蹕之神木縣。

聖祖仁皇帝御行營。一等待衛學士以上諸臣侍立。解俘將校引色布騰巴爾珠爾入。伏地。不敢仰視。遂遣送

京師時

皇太子監國。受俘於

景運門外箭亭。召諸王以下內大臣都統部院堂官侍衛咸集。閱畢示衆。自

午門至

長安左門召集滿漢文武官員八旗佐領使聚觀
畢遵

旨拘禁於理藩院仍支給食物旋奉

旨赦而不誅。至四十年宥釋。授以一等侍衛。給之妻室。
○雍正二年平定青海。於獻俘次日。行受俘禮。
前期一日。工部設

御座於

午門樓檐下正中。至日。武備院張黃蓋於樓檐外。
鑾儀衛設丹陛儀仗於

闕門之北。設丹墀儀仗於

闕門之南。設金鼓於丹墀儀仗之南。均東西相嚮。
設仗馬於

御道左右。設輦輅於

天安門外金水橋之南。設馴象於輦輅之南。設鑾
儀衛鏡歌大樂於

午門外左右。設丹陛樂於儀仗之南。設諸王行禮
梭薦於丹陛儀仗之內。諸王以下文武各官咸
朝服會集。內閣翰林院堂官立於

午門外之東。丹陛儀仗之北。都察院堂官立於

午門外之西丹陛儀仗之北。咸於仗外立。王公於
闕門之北丹陛儀仗之外。按翼序立。文武大臣及
有頂戴官員於丹陛儀仗之外。按翼序立。糾儀
御史左右各四人。分立於丹陛儀仗之下。均東
西相嚮。鴻臚寺官八人。分立於丹陛儀仗之末。
兵刑二部尚書侍郎立於西丹墀儀仗之外。兵
部司官率解俘將校立於西翼金鼓之外。將俘
囚押立於後。刑部司官立於兵部之次。鴻臚寺
官報班齊。禮部堂官至。

乾清門奏請。

世宗憲皇帝御龍袍。衣服乘輿出宮。

午門鳴鐘。禮部鴻臚寺堂官前引至。

太和門內。十大臣前引。

聖駕出。

太和門鐘止。鑾儀衛鏡歌鼓吹大樂全作。

世宗憲皇帝由東磴道至。

午門樓前降輿。

升寶座。樂止。十大臣於檐外陸上東西序立。豹尾班於御座後左右序立。

起居注官立於西豹尾班之末。承

旨大臣二人。鴻臚寺官二人。立於陛下。內大臣散秩大
臣侍衛分翼。接連豹尾班。以次排列。至兩觀廊
下。鑾儀衛官贊。鳴鞭。校尉三鳴鞭。鴻臚寺官贊
解俘將校排班。引解俘將校於儀仗前。進至
御道西北嚮立。贊進贊跪叩興。丹陛樂作。解俘將
校行三跪九叩禮興。樂止。贊退班。解俘將校退
復原位立。鴻臚寺官贊受俘。兵部司官率解俘
將校押俘至金鼓之下。嚮上跪。兵部堂官由儀
仗內趨至。

御道之旁。奏平定青海所獲叛逆俘囚。謹獻

闕下請

旨刑部堂官趨至

御道之旁恭立承

旨大臣候

旨宣

制曰所獻俘交刑部鴻臚寺官接宣刑部堂官跪領

旨兵部司官引俘押出金鼓之外交與刑部司官刑部
司官將俘押出

天安門右門訖鴻臚寺官贊排班引王公於丹陛
儀仗畫戟前入文武大臣及有頂戴官員於丹

陸儀仗前入。均至行禮處嚮上序立。鴻臚寺官贊進贊跪叩興。丹陛樂作。王以下文武各官行三跪九叩禮興。贊退。各歸本班立。樂止。鑾儀衛官贊鳴鞭。校尉三鳴鞭。鏡歌鼓吹大樂全作。

聖駕還宮。王以下文武各官皆退。

賜解俘官員兵丁銀幣有差。

賜該將軍等鞶馬采幣。其擒獲俘囚之將校及管領擒獲之人。分別各加賞賚。○乾隆十四年議准。出師克捷。於獻俘次日。行受俘禮。均如雍正二年之儀。○二十年。擒獲叛逆巴朗孟可特墨爾。並

雍正年間叛逆之羅卜藏丹津獻俘於

太廟

社稷。悉如雍正二年議定之禮。有赦而不殺者。奉

旨釋縛。交理藩院。二十一年。平定伊犁。擒獲達瓦齊。

獻俘。行禮。宥罪儀。均與二十年同。四十一年。

平定。兩金川。獻俘。

諭禮部所奏二十八日受俘儀。注將軍等應入於百官班內。在午門前行禮。但將軍等於郊勞及凱燕兩次。均有行禮之處。受俘時。將軍及自軍營回京之。在御前乾清門行走者。俱著扈從登午門樓。不必入班行。

禮止須令福康安帶領押俘將校等在午門行禮。
道光八年重定回疆。

宣宗成皇帝御午門樓受俘。都統哈朗阿等率解俘囚將校以俘囚張格爾豫俟於

午門外之西。大樂鼓吹金鼓全作。

宣宗成皇帝升座。解俘囚將校行禮畢。令俘囚張格爾北嚮跪伏。兵部尚書跪奏。平定回疆。生擒俘囚張格爾。謹獻

闕下請

旨。命王大臣會同刑部嚴訊。刑部尚書跪領

旨。兵部司官以俘囚張格爾交刑部司官。自

天安門出。王公百官行慶賀禮。○又

諭。受俘之日。解俘大臣官弁等。俱著穿行衣行禮。伯克
回子。即仍穿伊等路上所用服色行禮。